

Llamamiento colectivo al cuidado:

Les batallas de canciones son un espacio de música nel qu'intercambiar conocimiento, xenerar diálogo y texer redes ente la mocedá dende'l respetu mutu y la igualdá. Na organización tenemos l'oxetivu de proporcionar un espacio de socialización y diversión onde la xente pueda tar cómodo y seguro. Toles participantes tenemos la responsabilidad de curianos ente nós y poner atención nes actitúes y aiciones que desendolcamos nel eventu pa nun violentar a les persones que tan al rodiu nueso, intencionadamente, o non. Totes tenemos drechu a esfrutar de les batallas xuntes.

Pa crear un espacio inclusivo ye perimportante tomar conciencia de la nuesa posición y los nuevos privilexos, atalantando qu'hai distintes exes d'opresión que mos altraviesen de manera múltiple y distinto a unes persones y otres.

Dende la organización puxamos polos curiaos como mecanismu d'aición social básica. Estos curiaos tienen un calter colectivu y tan basaos na atención a la diversidá y al consentimientu. Sofitamos que les rellaciones, de cualesquier tipu, se dean con un consentimientu llibre, informáu, camudable y esplicitu. Tamién mos prestaría que reflexonáremos sobro los privilexos de los que gociamos y que, delles vegaes, ensin querer nin danos cuenta, puen tar xenerando situaciones de discriminación por mor de xéneru, sexualidá, orientación, raza, clas, capacidaes, corporalidaes, llingua, orixen, etc.

Ye'l nuesu deber tar sollertes a estes opresiones y responder asertivamente y con firmeza a les posibles situaciones violentes derivaes, amás d'escuchar, respetar y acoyer a cualesquier persona oprimida.

D'ente les posibles situaciones que puedan dir escontra la integridá de les persones asistentes queremos destacar especialmente la vulnerabilidad de les persones trans y espresar el nuesu refugu a les agresiones sexuales. Les batallas tienen son un espacio transinclusivu nel que nun se van tolerar actitúes tránsfobes nin lgtbifóbiques.

Cualesquier aición misóxina tampoco nun va tar permitida nel trescurrir del eventu. Les agresiones sexuales y l'acoso sexual de cualesquier tipu tan dafechu condenaos n'esti espacio.

Nun se van permitir insultos, chancies, chistes y burles de mal gustu, nin tocamientos nin averamientos non consensuaos poles dos partes.

Coses a tener en cuenta pa un trescurrir sanu del eventuu:

- Respeta a toles persones participantes y les sos necesidaes.
- Evita la confrontación física ante cualesquier situación y nun agredas nin física, psicolóxica nin sexualmente a naide.
- Comunícate de forma non violenta, de mou asertivu y seliquino.
- Practica la escucha activa de les persones que te comuniquen que se sienten violentaes por dalgún comportamientu tuyu o d'otra persona.
- Apurre ayuda y sofitu a les persones en situación de vulnerabilidá o agredíes.

¿Qué facer si sufres una agresión?:

- Busca ayuda de la xente de la organización o persones conocíes y cercanes que puedan xestionar la situación contigo, nel casu de que tu nun puedas averate a les organizadores o responsables.
- Verbaliza les tos necesidaes, deseos y límites. Les persones de sofitu vamos tar a la to disposición y respetar les decisiones que quieras tomar. Nel casu de que nun sepas, tamos p'acompañate y guíate nel procesu.

¿Qué facer si presencies una agresión?:

- Sofita y respeta la voluntá de la persona agredida dende la calma y la comunicación.
- Contauta cola organización si presencies una agresión, un comportamientu inapropiáu o una situación violenta que pienses que pueda llegar a descontrolase.
- Facilita l'establecimientu del diálogu, evitando la confrontación direuta.
- Ayuda a la organización separtando al agresor de la persona agredida hasta que s'esclarie la situación o la persona agredida se sienta segura.